

欽定剿平三省邪匪方略

欽定剿平三省邪匪方略正編卷三百九

壬戌年

三月二十八日

戊戌

額勒登保奏言

臣

督飭楊遇

春札克塔爾慶溥等趕剿苟文明等股賊匪據

楊遇春札克塔爾等報稱該匪藏匿月亮坪

帶老林之內楊遇春李應貴等於九尺壩一帶

分派兵勇探蹤緝捕札克塔爾格布舍連夜帶

兵由抱桐溝迎擊擊獲賊探唐正受一名據稱

苟文明叫我探聽前途有無官兵。要走藥壩包穀地往五郎去。現在大隊由水磨溝火地竄來。等譚札克塔爾、恰布舍率同副將張瑗、蕭福祿等各帶馬步官兵由水磨溝趕至牌環溝。賊匪大夥已遁入狹溝老林。僅留矛手二百餘人在溝口據險抵拒。我兵奮力衝殺。殲斃五十餘人。生擒十八名。鎗斃執旗賊目一名。其餘賊匪百

餘名亦向林箐中紛紛逃匿馬隊不能前進札
克塔爾格布舍仍督率步隊官兵奮力追剿復
斬獲二十餘名限於地勢未能痛剿是日賊衆
向火地亮風埒亡命遁去當將所獲各犯訊明
從逆日久之黃榮彩等十九名卽予正法其餘
李五等四名被脅未久均予釋放次日探得賊
匪竄出三岔河翻過秦嶺向北奔逃札克塔爾

等帶兵緊躡追剿楊遇春李應貴帶兵由大古
坪大小嵐東河都督河一帶攔截

臣

現帶馬步

官兵二千餘名於十二日進抵地藏溝本擬親

自督率過秦嶺復入南山循蹤而進因賊匪狡

詭百端慣於折竄若使數路大兵悉皆深入山

林向北追剿該匪又由東西兩面繞向南趨則

我兵全落賊後

臣

遂飭楊遇春札克塔爾等設

法趕辦務將賊匪向東南轟出並令慶溥帶領
兵勇一千餘名於黃柏園楊泗廟邊住西南要

路

臣

卽由核桃壩松垵子探蹤徐進以備賊匪

南來卽可迎擊並爲東西兩路策應途次接據

楊遇春報稱十四日帶兵由大嵐溝抵龍草坪

探得苟逆已由玳瑁河老君嶺有竄回泥峪湯

峪之勢札克塔爾格布舍帶馬步兵勇二千數

百名從卒峪紅水河顧住平原抄截該匪即使
窺伺平原現有大兵緊剿且峪外又有惠齡帶
兵遏截可以無虞楊遇春李應貴帶領馬步兵
勇二千數百名卽由都督河厚畛子緊顧太白
山老營之路探蹤前進一俟該匪折竄卽可迎
頭截擊本日復據探事弁兵稟報十三四等日
札克塔爾格布舍帶兵由泥峪口截住賊匪趕

入紅水河將賊擊敗該匪四散竄入太白山內官兵已緊追前進如該匪徑向西奔卽出桃號

二川方柴關等處等語札克塔爾等一路師行

較遠臣已札知楊遇春卽帶兵由乾溝河磨房

溝等處向方柴關一帶偵探確蹤與札克塔爾

等併力剿辦臣現抵楊家灘卽飛行探蹤前進

督催趕辦伏思該匪藉南山爲避兵延喘之地

輾轉奔逃

臣

因大山密林中艱於剿捕不得不

亟將該匪設法驅出但恐該匪一出老林亡命

狂奔又不得不於旁路抄截以期於老林之外

就地剿除乃該匪萬分詭詐連次將出老林一

聞官兵趕到又於險峻之處盤旋而遁以致官

兵未能尅期辦竣欲速反遲現在總期將該匪

轟出老林不得復入林內庶剿辦較易爲力該

匪只一千五六百人如事機湊合實不過一兩
仟卽可殲盡再_臣連接南鄭一帶防卡之總兵
永明等並地方官稟報二月二十九日有通江
界內賊匪四五百人竄至寧羌之映水壩都司
德忠帶兵於白陽關小壩截擊同日又有小股
零匪約及百人竄至陳家峽德忠恐其偷越卡
隘派令守備黃林帶兵百餘名策應初二日映

水壩賊匪有奔鐵爐壩之勢德忠卽赴鐵爐壩
截剿賊知有備折竄香爐山德忠仍赴白陽關
一帶督飭探剿守備黃林由瓦子坪進抵兩河
塘小股零匪見有兵來卽上山頂抗拒該備當
卽施放鎗礮將賊打退賊竄入天平河老林之
內復乘夜繞上梳子巖黃林帶兵趕到正與賊
遇當卽率兵迎擊賊匪翻山由秦家壩一帶西

遁總兵永明防守汛地距梳子巖一帶本遠初
五日聞小股賊匪竄至梅子壩派令遊擊朱章
等帶領兵勇赴元壩子截剿次日聞賊匪竄往
鐵索關復親帶官兵前往該處攔截該匪只有
八九十人由茨溝竄往寬川大安一帶維時慶
成由沔縣一帶帶兵迎剿初七日至麻柳壩斬
獲數十人所剩只四五十人向塔壩寺竄至五

郎坪原任總兵胡定泰在畧陽之何家巖防堵
亦卽帶兵追趕獲賊三名殺賊七名餘匪竄入
黃連埡老林藏匿慶成所派馬步官兵亦卽趕
到協力搜捕又殺賊十餘名生擒六名賊匪只
剩二十餘人現仍分路圍搜日內諒可淨盡其
竄匿香爐山之賊匪據報被卡隘攔截分爲兩
股折向川境已深入巴南一帶查刻下川北別

無賊蹤惟張魏餘匪數百人由通南奔竄聞勒
保派撥官兵與道員劉清所帶鄉勇併力剿捕

此次未得闖入陝疆復由巴南折竄想劉清等

自能趕緊剿捕

臣

現仍飭令寧沔一帶卡隘官

兵嚴密防範再

臣

接據竹谿平利稟報曾王崔

戴及樊人傑一股賊匪約有二三千人於本月

初二二等日由房縣竹山竄入竹谿之簡家店

花園一帶距平利之開陽坪七十餘里全保長
齡分帶兵勇向南進剿總兵吉林泰孫清元由
東南兜擊臣當卽飛飭穆克登布桑吉斯塔爾
喜明等探蹤迎剿與楚省官兵夾擊茲據穆克
登布已帶兵取道蘭河獅子壩一帶會同喜明
進剿奏入

上命軍機大臣傳諭額勒登保曰額勒登保遞到五

百里軍報祇係於山內探剿苟逆及慶成等截剿
零匪各緣由並未能將苟逆轟逼出山痛加殲戮
殊屬無謂額勒登保屢次奏報之摺總以苟逆在
深山老林潛匿不出兵力難於施展須誘令出山
剿辦方易爲力茲又稱卽使該匪窺伺平原現有
大兵緊剿又有惠臨在峪外帶兵遏截可以無慮
是額勒登保之意又不欲令苟逆出山若山內山

外皆不能辦額勒登保等竟可撤兵閒駐一任賊
匪到處蹂躪滋擾或坐待賊匪自斃有是理乎額
勒登保以十數倍於賊之兵不能剿不能堵不能
追不能截真屬奇事朕實代汝抱愧之至自入春
以來已兩月有餘數萬官兵虛糜糧餉已不知凡
幾若似此每隔旬餘奏報一次敷衍塞責則一兩
報之間轉瞬又經一月卽交夏令二麥成熟賊匪

既得掠糧額勒登保又必以雨水暑熱藉詞推諉
矣額勒登保著傳旨申飭現在苟逆已由玳瑁河
等處有竄向泥峪湯峪之勢峪外惟有惠齡一路
帶兵在彼豈能將賊匪堵截額勒登保務當設法
熟籌於賊匪必由之路多方兜截再將該匪誘令
出山爲一鼓殲擒之計不可徒托空言謂一兩仗
即可殲淨此時川北零匪爲數無多有勒保在彼

專辦無難剿盡惟湖北之樊逆曾王崔戴等股有
二三千人竄入竹谿一帶昨德楞泰已帶領勁兵
馳赴楚境與長齡孫清元等併力夾擊該匪等被
剿緊急難保其不乘間竄陝該處雖有穆克登布
桑吉斯塔爾喜明等在彼防剿恐未能攔截賊匪
又由紫陽平利逸入陝境竄至老林現在南山苟
文明一股只有一千數百人額勒登保尙不能迅

連殲淨若以楚省樊逆等股又復任其竄陝入山
致與苟逆等合夥賊數增多豈不更爲棘手耶額
勒登保當一面督率鎮將將苟逆上緊辦竣一面
飛飭穆克登布等探蹤迎擊或酌量添派官兵於
平利一帶各卡隘嚴密防範毋使一名闖入此爲
至要

二十九日

臣德楞泰奏言

臣前因督兵西追自

號張長青賊匪至開縣境內與勒保會合將川
省現在賊勢兵力通盤籌畫分佈剿捕並將應
辦事宜公同會議定局正擬督兵東行接據田
朝貴稟報白號張長青餘匪被迫情急直向東
奔有走雲奉之勢臣查東面巫大邊界無兵當
卽派令達勒精阿武隆阿及原任提督七十五
等帶領馬步兵勇二千餘員名星飛至萬縣由

水路趕赴夔州府在於扼要處所確探迎剿邊

其東竄之路

臣

仍由陸路搜剿零匪東進十五

日申刻行至雲陽之路陽三壩紮營後時已天

晚哨探大龍池現有賊匪三四百人滋擾相隔

祇一大山梁當卽督同賽冲阿色爾浪馬瑜等

帶領侍衛將弁馬步兵勇趕前進剿翻過山後

將抵紅巖溝賊衆遙見官兵卽行狂奔當被馬

步兵勇疾馳追至白廟子斃賊五十餘名生擒
賴大春等二十一名匪衆由畫眉壩西竄旋又
被田朝貴等帶兵自傅家壩迎頭截殺斃賊二
十餘名生擒何智雲等十五名連夜解送到營
訊係宋國品股賊因開縣一帶兵多原要東逃
不料被官兵打回餘無要供一槩正法殘匪已
由譚家壩奔向東開西北而遁查田朝貴所追

白號張長青股匪雖向東逃而達勒精阿等所帶官兵又順流程過賊前該逆斷不能竄楚

臣

卽飭令田朝貴等帶兵就近跟剿宋逆必須務淨根株不可令其他竄十六日據總理奉巫團練知府周景福等稟報有自楚竄入八石坪賊匪二百餘人在白菓寺龍湊子屯踞初七日經委員候補經歷龔元泰激勸沙啞黃啞兩寨團

勇首董曰康胡永順等帶領寨勇截殺斃賊三
名招出難民楊時貴訊係白號小頭目王姓帶
銀餘匪向大堰塘東瓜山竄去又據夔州協副
將富明阿知府方積等稟報初八日奉節之康
家橋推磨子突有賊匪二百餘人竄來當卽飛
飭防卡把總李林軍功劉繼先孔貴等就近截
剿一面抽調防兵三百名富明阿卽督率署都

司劉順等至九盤子直攻賊巢斃賊十餘名奪
獲騾馬旗幟刀矛等件惟把總李翠首先帶兵
力追至山後密箐中猝被戕害把總魏宗先力
敵救護亦受石傷幸衆兵勇趕到悉力剿殺又
殲賊十餘名賊始敗走石馬河東竄十二日又
經巫山文武探知抽撥兵勇二百名派令外委
何進軍功朱得龍陶之純在羅門地方兜截斃

賊五名淹斃二名救出難民童洪漢等五名搶
獲順刀鞋帽綢帶等物復追至茱子壩不料溝
內伏賊突出兵勇被圍軍功陶之純身受石傷
鄉勇內陣亡陳學仁等三名受傷者四名把總
許耀外委何進力戰殺賊三名賊始敗走柏子
溪各等情十九日臣行次奉節之乾溪口據達
勒精阿武隆阿等稟稱曰號張長青賊股差探

尙未東來惟就近之羊耳山現有賊匪百餘人
當卽發兵搜捕該逆見兵不敢接仗卽四散亂
竄經馬步兵勇分投力追共殺死四十餘名生
擒金元等十八名追至龍溪河淹斃約有二十
餘名祇剩二十多人翻山散逃訊係黃號零匪
由巴東過川還有藍號二千多人聽見大兵到
了先已東折獲犯訊明分別辦理迨臣兵抵夔

州府之草堂河又據達勒精阿武隆阿七十五等稟報探得白號張長青股匪又與一起零匪合夥已至大昌屯住相距不過六七十里其時雨霧瀰漫卽連夜督兵前進天甫黎明大雨如雨霧瀰漫卽連夜督兵前進天甫黎明大雨如注各逆俱在房屋內炊爨武隆阿七十五等率同遊擊蕭太和都司楊正雄沈彪等帶領兵勇由右手傍山而進達勒精阿帶同侍衛珠爾杭

阿總管蘇卿阿等帶領官兵由大路直進出其
不意突加剿殺立斃賊匪四五十名賊衆向河
岸撲水淹斃約有五六十年生擒七十餘名達
勒精阿武隆阿過河跟追七十五帶領兵勇抄
出後山自上壓下前後圍剿又殺賊三四十名
生擒九十餘名餘匪四散奔逃兵勇分投趕捕
又活捉男婦賊匪一百餘名搶獲騾馬五十七

頭匹各營呈繳耳級五十三副賊旗二十三面
刀子二百五十七件獲犯內訊出張長青之妻
李氏張長生之妻劉氏僞總兵張正魁之妻譚
氏並探馬頭旗手李朝卿等三名訊據李朝卿
及張李氏等供稱前在湖北被官兵趕回四川
原有一千四五百人沿途殺的散的很多走到
開縣地方又被官兵趕殺只剩四百多人要過

湖廣去前日有巴東來的白號王姓二百多人
合夥纔湊合了五六百人今日又被官兵殺的
拏的淹死的將要完了不知張長青是殺了還
是跑了等供捉獲賊匪差弁押解來營聽候查
辦所剩殘匪不過百餘人現經趕緊搜捕務期
根株淨盡各等情又據前差楚境密探回報有
黃白青等號合夥賊股約有三千餘人由興山

龍池折回歸州之水田壩牛口一帶滋擾又有
藍號一股賊匪約二千餘人已過界嶺有入巫
山境內之勢均無兵剿辦其王曾崔胡戴等逆
已向二竹一帶逃竄有三路官兵跟剿各等情
伏查_臣兩次分兵過楚兜截賊匪三股入川共
計二千數百人內除陳自得白號張長青兩股
剿除各剩一百餘人其線字號一股前已全行

剿淨川省現在已無成股賊匪所剩不過殘敗
遺孽爲數亦不過數十人至一二百人不等有
勒保督率各路將領分投剿辦而各州縣辦理
團勇之委員等均能實力搜捕自可迅就肅清
惟楚境歸巴合夥有數千餘人勢較鴟張而全
保長齡孫清元吉林泰等三路官兵已向北追
勢難顧及

臣

現雖移師至夔距歸巴賊屯之處

相離五六百里不等該處距江岸不遠設有疎虞所關匪細必須設法自東兜截將楚省歸巴一帶江岸先行肅清是以

臣

酌令達勒精阿武

隆阿七十五等帶領馬步兵勇三千餘員名令

在川東一帶搜捕零匪並防楚匪被剿入川卽

可與

臣

兩面夾擊現已飭令夔州府方積署奉

節縣知縣徐大椿雇覓船隻卽由各路順流下

楚又恐各逆驚而他颺擬令各營捲藏戰旗每
船豎打凱旋官兵旗號使賊疑爲川境撤兵自
必乘虛竄至臣兵從東剿達勒精阿武隆阿七
十五等兵由西迎均可痛加剿洗臣仰仗

天威一經剿擊自必立形瓦解次第殲除楚境若無
成股之賊則三省大局均可戡定矣奏入

上命軍機大臣傳諭德楞泰曰此次德楞泰派令將

領沿途搜捕零匪及白號張長青一股共計殺賊一百五十餘名生擒二百六十餘名淹斃五六十名所辦尙好惟歸巴巫山等處有黃白青等號賊股約三千餘人又有藍號一股約二千餘人相距江岸均不甚遠川楚邊界犬牙相錯在在毘連賊匪朝川暮楚原無定向在川卽爲川匪在楚卽爲楚匪德楞泰身爲叅贊斷不可心存畛域現在旣

由水路順流而下抄出賊東自應遇賊卽剿先清
江岸此時川省已無成股賊匪所剩不過敗殘遺
孽爲數無多有勒保督率將領分投搜剿自可迅
就掃除德楞泰如能將江岸之黃白青藍等號賊
匪殲戮淨盡仍當帶領勝兵卽赴楚北二竹等處
協剿樊人傑及曾王崔戴等逆俾楚境一律肅清
竚膺懋賞再前據吳熊光奏冉井二逆在歸州興

山一帶遊奕派孫應奉蔣觀濤前往截剿曾經降
旨諭令德楞泰由川赴楚順道先將該二逆剿淨
此次摺內未經提及其竄近江岸之黃白青藍等
號兩股賊夥是否有該逆在內孫應奉蔣觀濤等
曾否帶兵前來及現在如何剿辦之處著德楞泰
查明具奏又據獲賊供稱白號一股被官兵剿殺
殆盡不知張長青是殺是跑等語並著德楞泰查

明張長青實在下落遇便奏聞所有殺賊陣亡之
把總李翠著咨部賜卹

三十日

庚子

吳熊光奏言

臣

自上年抵楚以來卽

諄飭各地方隨時密察加意撫輯并曾派委妥
員改裝易服分投訪查實俱各安耕鑿地方一
律寧帖數年以來川陝賊匪屢竄入楚並無習
教未起之人出而從逆之事此其明証本年二

月間登據前任荆宜施總督崔龍見署施南府知府張許及恩施建始巴東等縣稟報二月初二日有官兵十八名從川省奉節縣之五龍溪過江至南岸上坡赴店買飯因爭論價錢彼此吵鬧而散適是晚朱姓家失火燒燬草房數間村民疑作賊匪假扮官兵偷渡放火遂致以訛傳訛有賊過江之信至十一日德楞泰軍營差弁

兵陳偉等十五名由萬流渡過江南岸該處義
勇見其腰纏白布恐係賊匪冒充官兵卽將陳
偉等捆縛送交巴東縣經知縣戴聖哲訊明釋
回等語臣查軍營向多謠言卽如徐添德龍紹
周久報殲斃而自去秋至今每遇獲犯僉稱該
二犯仍在川省老林內藏匿臣恐係賊匪反間
爲搖惑人心之計會諄囑全保長齡及各鎮將

於審賊時如有此等供詞當密存諸心不必聲

張以防奸計又

臣

在豫省時凡遇賊匪竄近襄

陽必稱襄陽另有教匪起事接應紛紛傳播其

實毫無影響伏思地方果有其事亦當處以鎮

靜以期潛消默化況現據稟稱事涉子虛若紛

紛飭查恐無識之員辦理不善轉致釀成事端

臣

當飭委荊州府知府張方理借清查叛產爲

名前往再加密訪并令傳諭各地方官不得藉

端吹求致使百姓驚疑

臣

仍隨時留心防範荆

江水深江濶更非漢江可比

臣

早密飭該道府

董率地方文武遇賊竄近之際毋許船隻停留

北岸又面諭副將蔣觀濤等總由東南向西北

追剿防其窺伺南岸揆度目下情形似可毋庸

過煩

聖厪至楚省賊匪上年冬間實止王曾一股人數不
及二千迨本年正月間該匪竄往川東大寧巫
山一帶與樊崔胡等逆糾約合夥回竄楚境人
數頓增共有四千餘人聞老教及真正矛手亦
不過千人其餘皆係被裹男婦幼孩自節次截
剿以來除臨陣殲擒及隨裹隨散外現在各股
人數實不過三千餘人若一經痛剿則裹脅之

人不難卽時解散倘蒙

皇上俯准

臣

前奏派令穆克登布帶兵赴楚幫同孫

清元等併力剿辦亦似可得手就楚殄除至前

由巫山竄來之冉井等逆尙在興歸一帶所打

旗幟係藍線二號節據擒獲探信賊供稱此股

內尙有陳姓管事不知名字或卽係德楞泰所

稱蒲添寶與陳時觀之子等合夥之賊前據各

屬探報約有數千人未可據信臣已密札蔣觀

濤等確切查稟統計楚省王曾樊戴崔胡及陳

蒲冉井各逆并竹谿境內零匪連裹脅幼孩婦

女大約亦不過共有五千餘名臣不敢稍存諱

飾再曾王樊崔各逆經總兵孫清元吉林秦於

初九日在褚河剿敗後賊匪分股由簸籬山咸

池逃竄十一日至白河口合夥孫清元等於十

二日追至賊匪一見官兵卽亡命撲河而逃遊
擊烏勒喜訥都司姜元祥等帶領前隊弁兵星
馳壓下軍功鄭光明甘魁等奮力趕躡箭射矛
戳共斃賊六十餘名淹斃賊匪數十名生擒王
開喜等十二犯訊無要供當卽正法餘匪俱扒
大山而逸撫臣全保提臣長齡由司馬崗一帶
前進沿途亦有斬獲賊見兩路官兵分投追捕

又向西南老莊子一帶奔竄其前竄興歸境內
之川匪一股聞副將蔣觀濤孫應奉等帶兵前
往亦竄入老林藏匿臣業經疊札嚴催不准遲
緩其附近房竹一帶零匪全保長齡亦已抽撥
兵勇前往搜捕以冀上緊廓清奏入

上命軍機大臣傳諭吳熊光曰吳熊光覆奏查明楚
省南岸並無伏而未起之賊是日前德榜泰所奏

南岸賊匪欲商同各號乘空搶船渡江竟係誤聽人言不足憑信其差弁兵陳偉等帶兵過江往查一節亦屬冒昧吳熊光現因事屬子虛不令紛紛飭查致百姓互相疑懼惟持以鎮靜密爲防範所見甚是至曾王樊崔各逆經孫清元吉林泰等任七架山一帶趕剿薄有斬獲而長齡孫應奉蔣觀濤等分投追捕一時均未得手吳熊光惟當飛催

長齡等上緊剿辦以期尅日廓清再穆克登布在
平利邊界堵截竄匪該鎮已調任永州雖尙未至
楚而所辦之賊卽係楚省會王崔戴等逆吳熊光
應卽遵照前旨札知穆克登布帶兵截剿正可與
孫清元等爲兩面夾擊之勢至該省糧餉關係緊
要現不待該督等奏請已另降旨將江西省捐監
銀撥給十萬兩令張誠基派員迅速解楚備用該

省軍儲自必益臻充裕也

上又命軍機大臣傳諭張誠基曰張誠基奏藩庫捐
監銀九萬九千四百餘兩現在楚省剿辦教匪大
功將次告竣一切善後事宜需用尙繁著張誠基
將前項銀兩湊足十萬兩卽派委妥員解往湖北
交吳熊光存貯備用

欽定剿平三省邪匪方略正編卷三百十

壬戌年

四月初一日

辛丑

勒保奏言

臣

前與叅贊德楞泰

在南埡塲會合後當卽知會賽冲阿溫春蒲尙
佐統領原帶馬步官兵由雲開取道夔門趕赴
德楞泰軍營歸隊會同赴楚探剿楚省各股賊
匪臣與豐紳卽由新寧取道前赴達州歸併各
路官兵分定段落責成各鎮將等將現有各股

餘匪分路搜捕連日接據總兵田朝貴稟報該鎮自初十日在乾溪溝等處將日號張長青股匪痛加殲洗擒斬五百餘名餘匪分作六七股向東鄉開縣境內四散逃竄田朝貴等正在帶兵探剿間十四日行抵傅家壩探得白號宋國品一股餘匪百餘人正由江口奔逸有竄向夔門之勢經叅贊德楞泰聞信卽分兵截剿該匪

折回畫眉垭適與田朝貴一路兵勇相值田朝
貴當卽督率官兵迎頭衝殺將賊匪壓至徐家
溝立時殺斃十餘名生擒十五名餘匪見前後
有兵追殺卽翻山越嶺四路逃散田朝貴將活
賊查訊內有僞先鋒牟玠一名據供宋國品新
自立爲元帥封我及同夥羅登明爲先鋒因四
川官兵追殺要由夔州竄過湖北去不想德將

軍的兵追來又向開縣一路逃回今日又遇著
官兵那羅登明被兵殺了等語田朝貴當令指
出僞先鋒羅登明屍身割取首級並將該犯牟
玠等十五名就近解赴德楞泰軍營聽候審辦
田朝貴跟探宋逆追捕十五日行至燈盞窩地
方探有賊匪數十人正在圍攻碉寨田朝貴卽
派遊擊羅思舉分帶兵勇前赴該境見有賊目

尋未遇等語當將該犯及另獲活賊五名一併
正法田朝貴仍督同羅思舉向李家壩探剿宋
國品股匪詎該匪被寨民集衆堵擊已經翻山
竄去羅思舉帶領兵勇探蹤前往途次譚家壩
河岸適有四五十人沿河行走官兵乘便剿殺
斃賊七名追逼落河淹斃三十餘名生擒二名
查訊此起係白號張簡餘匪窩將該二犯正法

田朝貴仍督官兵向前探剿十六日行抵迴龍
碕地方探得山坡草房內有賊匪數十人潛匿
又督平官兵圍捕殺斃四十餘名生擒九名訊
係宋國品股內餘匪此次已被兵剿淨十七日
移兵石埡子據太平碕民人報稱相距六十里
之火石溪板厰溝地方有賊匪一股在彼滋擾
田朝貴卽連夜進兵次日五鼓行抵該境有賊

匪七八十人在空屋內停歇當卽分兵前後兜
圍殺斃五十餘名生擒二十八名全股剿盡並
無一名漏網訊係劉朝選股內餘匪其宋國品
所帶殘匪尙在東開交界一帶奔逸現在探剿
又張志林一路官兵經臣飭令由忠州梁山墊
江隣水一帶沿途搜捕於十五日行至梁山據
報該縣柏林漕地方有摸樁賊匪約四五十人

在箐林中賊匪晝伏夜出查得該境山坳遍產
叢竹聯綿里許張志林飭令兵勇縱火焚燒賊
匪被燒情急衝哭而出經兵勇圍住殺斃三十
餘名焚死十餘名此起零匪業經殲淨又據探
報中峯寺地方有賊匪一起奔竄約二百人張
志林復移兵剿辦該匪一聞有官兵追剿卽分
作兩股一股數十人由李子寺一帶逃逸一股

百餘人由圓居寨山梁佔踞張志林立刻分兵
追捕其本子寺一路之賊已翻山竄逸無蹤其
圓居寨山梁之賊經寨民率衆截擊鎗斃賊匪
二名該賊奪路奔逸適張志林督兵趕及賊尾
殺斃二三十名滾崖跌斃十餘名生擒七名餘
匪由草山山東開一路竄去訊據活賊係白號
張長青匪當將該犯正法臣伏查此時賊勢

自忠萬至林大一帶經張志林官兵搜查並無
竄匪藏匿梁山境內零匪亦已肅清開縣東鄉
之間又有田朝貴一路兵勇在彼搜捕惟川北
張魏餘匪一二百人臣前飭建昌道劉清會同
遊擊馬績恒慶等分帶兵勇在巴州南江通江
等處輾轉跟追據稟報該匪已竄入雲霧山老
林劉清等一時尚未能得手而太平中前後三

河一帶復有各股剿剩餘匪百十爲羣忽分忽合均需分兵剿辦所有豐滿原帶官兵前經

臣

與德楞泰商議撥赴夔州交七十五武隆阿管帶以備截剿自楚竄來之賊此時豐紳前赴川北無兵可帶現在於

臣

一路派出遊擊陳龍驤

於張志林一路撥出遊擊唐際盛夏雲龍共計官兵一千四百餘名交豐紳帶領前赴川北並

將遊擊馬續恒慶所帶官兵六百餘名亦一併
歸令管帶是豐紳一路兵勇已有一千餘名足
敷剿辦當卽囑令在川北廣蒼通南等處一面
督剿現有張魏餘匪一面防堵陝境竄來之賊
其薛大烈張續一路官兵近日自陝回川亦與
臣會合惟薛大烈適患寒火鬱結之症臣暫令
在達城醫藥調治其所帶官兵卽分交張續與

達斯呼爾岱二人帶領張績由七里峽取道前
河達斯呼爾岱由大成寨取道後河肅清三河
一帶之賊至張志林一路除撥出唐際盛夏雲
龍兩隊官兵外所餘兵力無幾不敷剿辦當將

臣

一路兵勇酌撥該鎮管領前往新梁忠萬一

帶腹地往來巡哨以防賊匪竄入至此時分兵

搜捕零匪與從前跟剿大股情形不同

臣若專

赴一路督剿恐顧此失彼現在卽往來東鄉達
州新寧開縣等處酌量緩急隨地駐紮督催剿
辦此時川省零星匪統計不過二千餘人如此分
兵剿捕自易淨盡設再有成股賊匪竄來

臣仍

當酌調官兵親自帶領督辦再湯劉二逆近日
總未得其蹤跡查東鄉爲該逆原籍居民相讎
者甚多

臣

現又懸立重賞刊印賞格交總理團

纂知府趙秉淵分散東鄉各寨務期弋獲奏入
上命軍機大臣傳諭勒保曰此次田朝貴張志林兩
路官兵分投搜捕殲擒賊匪或數十人或十餘人
並無大股之賊其所擒賊目劉紹甲等亦祇係新
起賊目非復積年老匪且聞官兵一至或潛匿草
房或藏入箐林聚散無常零星竄逸看此情形川
省賊勢已衰卽間有潛出摸樁者亦祇與囑匪相

類此時正當專事搜捕仿照地方辦案即可完結
但不可心存玩視草率將就須知除惡務盡實力
實心飭令該鎮等按名弋獲勿致漏網至勒保此
時因張魏餘匪竄入雲霧山老林而太平一帶復
有剿剩餘匪百十爲羣忽分忽合派令豐紳帶領
兵勇二千餘名前往督剿並令一面防堵陝境竄
來之賊自應如此辦理現在陝省苟逆一股經額

勒登保等帶兵輒逼將欲出山該逆出山之後未
必東趨自必轉而西竄西面甘肅地方土瘠民貧
無可裹脅該逆亦未必竄往恐由棧道折竄入川
勒保當督飭豐紳等留心防範嚴密堵剿設該匪
竄來正可與陝省官兵會合兜剿務將首夥各犯
悉力殲除此時勒保駐劄達縣一帶距川東稍遠
現在楚境歸巴興山等處賊勢散竄德楞泰雖已

帶兵由水路前往截剿回川勒保亦當隨時留意
妥爲戒備不可置川東於不問又湯劉二逆想係
隻身逃竄勒保旣飭令知府趙秉淵密行查拏著
卽責成該府設法上緊嚴緝飭令寨勇等改裝易
服留心盤詰一經拏獲卽奏明將該府等優加恩
獎

同日惠齡奏言臣馳回黑水一帶督率總兵楊

芳圍剿劉逆賊匪該匪於兵勇未經齊集以前
連夜翻山竄過百丈砭向東寺溝一帶奔逸

臣

當卽知會總兵楊芳由高關太平等峪分兵入

山抄至賊前迎頭截擊

臣

昌雨帶兵趕至太平

峪口堵剿該匪聞東面有兵仍復折回至犀角

峪屯聚二十一日未刻楊芳所派軍功王明智

把總田有年等帶領兵勇趕至犀角峪該匪業

已起竄王明智尋蹤追趕至葉盤溝趕上賊蹤
卽分兵兩路一由前面攻撲一在後面埋伏前
面兵勇冒石仰攻一擁齊上截斃賊匪十餘人
賊站立不住卽向山後奔逃正遇後路伏兵齊
起又截斃賊匪二十餘人奪獲賊矛四十二桿
餘匪三五零星四散逃匿當兵勇仰攻之時該
軍功等高聲喊叫投出者免死有賊匪四人拋

棄矛桿奔下山坡跪求饒命當經該軍功等押

送_臣營查訊內除被裹居民二名卽行釋放回

家外其段四兒一名係湖北人陳國柱一名係

四川人均係川楚老教_臣卽欽遵

諭旨詳加曉諭令仍回賊夥或縛獻首逆或勸令率

衆來降必加重賞段四兒等俱踴躍願往_臣當

卽發給諭帖交楊芳帶領入山令其尋覓賊夥

相機招撫若能全數投出即可肅清一路於剿捕機宜似屬有裨

臣

卽折回澇峪仍督飭楊芳

分兵四處搜捕以期剿撫兼施尅日淨盡連日

又接據叅將李英多稟稱在茨溝腦搜殺賊匪

十餘人搶獲白旗鎗矛等件餘匪四五十人紛

紛逃入老林已添派鄉勇入林搜捕又據寧陝

同知張約稟稱永隆寨總熊朝萬等在上壩老

林搜獲零匪蔣正春等四名均係苟逆股內矛
手當經批飭卽行正法查此等零匪三五聚集
不成股數

臣

俟將劉逆餘匪辦竣再督飭楊芳

搜捕淨盡至苟宋二逆合夥之賊經楊遇春截
殺之後又翻至秦嶺北面湯峪泥峪一帶逃竄

臣

因正在分兵圍剿劉逆餘匪喫緊之際未能

分身卽派令遊擊馬得都司馬進等帶領官兵

七百名趕往西路堵 不適札克塔爾格布舍等
亦帶兵抄至北面峪口一帶截擊該匪仍折回
山內我兵冒雨進剿三十餘里殲斃賊匪十餘
人生擒六名該匪折向東南巴陵河黑虎橋一
帶奔逸額勒登保已由華陽板房子一帶前來
楊遇春亦由杜家莊一帶兜剿慶溥業已趕至
黃柏園一帶各路官兵緊逼賊蹤日內當卽有

得乎勝仗再前從川省竄入寧羌境內之賊二百餘人經提督慶成帶同革職總兵胡定泰節次殲擒祇剩敗殘餘匪二十餘人無難卽就掃除奏入

上命軍機大臣傳諭額勒登保惠齡曰劉永受一股本非著名首逆該犯現被官兵衝散只剩一百二十餘人諒無難卽日殄除淨盡卽或有一二人未

獲尙屬無關輕重此時惟苟宋二逆合夥之賊最爲要緊若經官兵轟逼出山惠齡務當督率將弁併力殲除斷不可令其四散奔竄再闢入他境致稽時日至所奏苟宋夥匪經楊遇春截殺之後翻至秦嶺北面又經札克塔爾截剿均小有斬獲現在額勒登保已由華陽一帶進兵與楊遇春慶溥等四路緊逼日內卽可得手額勒登保務須趁此

官兵雲集賊匪困聚之時趕緊擊剿不可再有遲延若能將苟宋一二逆尅期辦竣額勒登保應卽統領勝兵由平利紫陽前往督率穆克登布迎截由竹谿竄來之樊會王崔載等逆以堵爲剿與楚省官兵收兩面夾擊之效以期一鼓殲除所有陝省劉永受等一二零星餘匪及寧羌境內剿殘之賊額勒登保卽可交與惠齡慶成慶溥楊芳等分投

搜捕將陝境一律肅清

初二日

壬寅

慶成奏言查張魏分股本無著名首

逆係偽先鋒丁佳蘭丁強宗二人管帶由通江

竄入陝境經

臣

帶領馬隊趕至寧羌之麻柳壩

陽平關等處迎頭剿殺奮力窮追新裹之人槩

行追散所餘殘匪雖百餘人皆係各股積年戰

手狡猾狂奔晝伏夜出意在疲我兵勇希冀遠

颺

臣

分布弁兵繞扼截擊本月初九初十等日

據派去守備任海千總齊慎馬忠良等報稱探
得賊匪竄至塔佛寺一帶知有官兵入林搜捕
潛在林內埋伏該備弁分三路直前衝殺與賊
短刃相接立斃賊匪十餘名生擒五名餘匪正
在敗逃適遇都司張起鰲等帶兵迎剿兩面夾
擊又斃賊二三十名餘匪狼狽奔逃有繞趨黑

河之勢查守備李如緒熟悉黑河道路至先令

該備前往扼剿十二日寅刻殘匪數十人果向
黑河逃竄李如緒帶兵至九條嶺黃連埡迎頭
笑出該匪猝不及防紛紛亂竄適都司張起鰲
守備任海等帶兵踵至併力剿殺僅剩零匪二
十二人大半空手深入林箐正在督率搜捕間
探得張魏股匪現由通南地方西竄漸近陝境

臣

聞信卽儘隨帶兵勇先行馳回截剿其在老

林散逃零匪就近飭知防堵文武並傳知寨團

協同守備李如緒兵勇一體搜緝

臣

途次沔邑

桑樹灣聞張魏賊匪已竄過寧羌州屬棧西之

七里壩一帶滋擾迄未接見總兵永明及各卡

員弁稟報未悉由何路闖入

臣

刻卽帶兵馳往

剿辦奏入

上命軍機大臣傳諭額勒登保慶成曰慶成本在畧
沔一帶剿辦零匪因聞張魏賊匪數百人現在已
由川省通南地方竄入陝省卽趕赴川陝邊界截
剿自應如此辦理此時張魏賊匪已竄過寧羌州
屬之七里壩等處或又思竄入陝省南山一帶與
苟文明合夥奔竄亦未可定現在苟逆一股尙有
一千五六百人在南山內往來奔竄額勒登保剿

辦尙未得手若再添入合夥之賊辦理更爲費力
此股賊匪卽責成慶成上緊截剿總當自東向西
扼其旁竄之路切勿令其闖入南山老林此爲至
要至慶成原剿零匪據稱經官兵屢次搜剿之後
所剩不過二十二人已派令守備李如緒與就近
防堵各員及各處寨勇併力搜捕卽飭令該守備
等迅速剿淨不可再留餘孽又據奏此次張魏賊

匪竄過寧羌州一帶滋擾迄未接見永明及各卡員弁稟報永明係該處防守大員何以未經報知著額勒登保慶成詳悉查明賊匪係於何日竄陝經由何處卡隘守卡員弁係屬何人如何竄越及永明何以未經具報一併據實叅奏

初四日

甲辰

額勒登保奏言竊

臣

據札克塔爾格

布舍等報稱苟文明股匪於十三日有從泥峪

竄出湯峪口之勢札克塔爾等緊傍山根由東
向西轟擊並派副將張瑗都司金步雲等帶領
步隊兵勇跟蹤追剿賊匪竄至新開山我兵奮
力趕往殲斃七名生擒四名該匪卽折竄紅水
河孫家地副將張瑗等仍於山內躡蹤逼剿札
克塔爾等帶兵於柳家村設伏以備截殺該匪
聞風折竄於十六七日遁入太白山東北老林

之內因知我兵逼近均於大山之巔四散屯扎
我軍每由險峻無路之處攀援進攻該匪早已
望見躲避轉難得其確蹤實堪憤恨據逃出破
脅民人報稱賊匪因山內糧食稀少採聽峪口
何處無兵卽欲潛出掠食等語扎克塔爾等以
賊匪藏匿老林出沒無定非誘之使出不能剿
殺遂傳令官兵由雲頭口拔營進辛口峪使賊

匪知我兵業已他往必卽由西路峪泥峪竄出
密令副將張環蕭福祿等酌帶兵勇於雙廟子
設伏以待扎克塔爾格布舍於辛口峪探蹤策
應並扼其東竄之路二十日夜間賊匪大夥屯
聚石門果有分出矛手二百餘人由泥峪竄出
擄掠副將張環蕭福祿等帶兵出擊殺斃十五
人生擒八名奪獲刀矛四十三件扎克塔爾等

聞信帶領馬隊官兵趕到賊匪已折入峪內扎
克塔爾格布舍率同侍衛官兵追趕三十餘里
鎗箭並發斃賊二十餘人賊匪由鷹嘴石翻越
老林而遁據獲犯張志富供稱苟張元帥前與
宋李合夥共有一千六七百人因林內糧食無
多令我們悄悄地擄掠西出桃號二川別無要供
當俱正法扎克塔爾次日仍帶官兵自北而南

逼剿楊遇春李應貴等於魯家巖聞信卽帶兵
由方柴關沙壩自西而東協擊臣恐賊匪由南

面太白梁老營竄出都督河黃柏園向西南逃
遁遂由二郎壩碾子嶺一帶探蹤進擊以爲三
面兜擊之勢並令慶溥帶兵於古子灘策應臣

於二十三日抵都督河探得該匪知數路官兵
圍剿存紮不住已漏夜從玳瑁河東遁黑河橋

臣

遂翻越秦嶺由厚畛子至包穀地顧住西面

攔截二十五日進抵板房子接據扎克塔爾等

來信云賊匪竄至小王澗東河口向東南奔逸

扎克塔爾現已率兵緊躡追剿楊遇春由黑水

峪黃草坡顧住東面截剿

臣

本日由小秦嶺趕

往東嶽殿抄住西面探蹤迎剿並令慶溥由大

小澗溝出九壩大古坪顧住西南山口堵截各

路官兵緊扼東西北三面均向南路轟擊該匪
定不能於大山老林內久延殘喘臣已疊次知

會各路一俟該匪竄出老林卽不令其折入再
涉遲延至劉永受一股賊匪竄至龍峪甘峪一

帶惠齡分派官兵入山與楊芳所帶兵勇分路
圍剿該股匪內有分出零賊三十餘人經楊芳
一路弁兵殺斃十餘名賊匪滾巖跌斃十餘名

二百名

臣

現在所剿苟逆股匪不過一兩旬可

以得手一俟得獲勝仗後卽當將湖北湖南官

兵先行撤令回楚彼時或苟逆業已殲擒或餘

匪實在無幾卽當派令鎮將帶領兵勇搜捕惠

齡可以就近督率趕辦

臣

卽酌帶官兵前赴安

康平利竹谿竹山邊界一帶察探楚境賊情或

只須派撥鎮將入楚協剿或須

臣

親率官兵入

楚督剿並卽知會德楞泰由歸巴前進楚境賊匪雖多要皆裹脅之衆兵威震懾定不難於得手

臣

現已札知穆克登布暫勿輕動如穆克登

布必須調赴楚省所有該路官兵不可無大員接管查費冲阿調任寧夏將軍陝甘卽同一省川省提鎮副都統已有十數員足敷帶兵應催令速卽前來以便於安康平利一帶帶兵堵剿

庶爲得力奏入

上命軍機大臣傳諭額勒登保吳熊光曰苟逆股匪
在山內輾轉逃匿官兵總未得手皆因四散奔竄
之故今額勒登保乘該匪由小王澗一帶向東南
奔逸一面派扎克塔爾緊躡追剿一面派楊遇春
顧住東面截剿額勒登保親身帶兵抄住西南探
蹤迎擊並令慶溥顧住西南山口堵截現在各路

官兵緊扼東西北三面均向南面轟擊使賊匪不能於山內屯紮逼出老林所辦甚是但該匪轟出老林之後額勒登保務須督率三路勁兵一鼓撲滅將該逆首夥賊匪殲戮淨盡既不可使竄逸平原亦不可復令折入山內方爲妥善又據奏派令賽沖阿來陝帶兵更換穆克登布赴楚等語前據吳熊光奏楚省賊匪較重請令穆克登布將所帶

官兵迅速赴楚省幫辦當卽諭知吳熊光以陝省
邊界現有湖北賊匪一股二千餘人竄近平利卽
係穆克登布在彼防堵是穆克登布雖未至楚所
辦卽係楚省之賊伊已調補永州鎮總兵吳熊光
儘可剗知該鎮在陝境實力堵截倘賊匪折回隄
蹤追剿正可與楚省官兵收兩面夾擊之效並未
令徑赴楚省亦未令其將所帶之兵歸入楚省軍

營穆克登布雖勇敢素著但若令該鎮一人赴楚亦不過添一戰將如孫清元吉林泰之類豈該省軍容遽能改觀若令穆克登布竟帶全隊之師赴楚聽候調遣則平紫一帶竟無重兵堵剿楚省竄匪豈不肆意奔突全無攔截耶總之教匪在何省分卽爲何省之賊省分之名雖異仍不過此數股敗殘之匪若妄生分別轉稽時日迄無蕘事之期

矣至賽沖阿係德楞泰營內帶兵得力之員此時
額勒登保調令來陝恐德楞泰亦未必卽令離營
穆克登布旣未卽離陝省則賽沖阿亦不必前赴
陝省軍營朕前有旨令額勒登保於辦完苟逆後
卽親統勝兵由平利紫陽一帶進發本日額勒登
保摺內亦稱俟苟逆殲擒餘匪無幾卽親自帶兵
赴安紫一帶察探楚境賊情酌量剿辦所奏甚是

額勒登保一俟旬日內將苟逆辦竣後此外如有零星未淨之賊著交惠齡慶溥楊芳等督率搜捕額勒登保卽可移師至平利堵剿再令穆克登布帶領湖南湖北之兵赴楚方爲妥協

同日德楞泰奏言

臣

沿途搜捕零匪於二十五

日行抵巫山據達勒精阿武隆阿七十五等報稱張長青賊股前在大昌痛剿之後該逆率領

餘匪百餘人冒雨北奔經達勒精阿等緊追至
大寧通城又殺賊二十餘名餘匪不過六七十
人四散竄入老山北逃因據探報楚匪二千餘
人已翻界嶺西來達勒精阿等酌量情形卽帶
兵折回迎剿臣隨又飛飭駐防大寧營卡之遊
擊何占鰲總理大寧團練之道府鄭成基等就
近帶兵齊團將白號零匪數十名搜捕淨盡其

楚來賊吸知西面有兵仍卽折回界嶺東去又
前此屯聚歸州之雙土地歸坪一帶夥匪知川
省官兵欲由水路東下現已北竄興山江岸無
賊又探得折回界嶺以東之賊匪二千餘人尙
屯於巴東之大花巖等處若臣乘船東下道路
紆遠卽於巫山改由陸路翻界嶺向東北而進
如賊匪尙在該處卽就近探明截剿設該逆被

剿西竄入川亦卽蹤賊蹤與達勒精阿等前

後來擊或該逆聞風先颺尾隨前股賊蹤東奔

興山臣自當探明追剿再據興安府知府周光

裕稟報王曾崔胡等逆已竄至安康屬之閬陽

坪查楚省全保長齡孫清元吉林泰三路官兵

自不能悉力過陝勢必有折回西顧剿辦者臣

兵由西北前進楚兵勢必自東南而來定可兩

面夾擊是以現擬仍令達勒精阿武隆阿七十
五等帶領馬步兵勇二千餘員名在於巫山大
寧界上扼據毋論川楚大小賊股竄來均可隨
時剿辦至川東之雲臺巫大四縣現在已無賊
匪全行肅清惟川北張魏餘匪尙有二百餘人
原派遊擊恒慶等帶兵剿辦豐紳近又帶兵前
往督剿亦卽可以殲除淨盡其餘三五結黨百

十成羣之賊頃據總兵田朝貴稟報自派令跟
剿未逆零匪西行節次在開縣之燈盞窩譚家
壩等處殺斃賊匪百餘名並擒獲劉朝選之義
子劉紹甲一名又在回龍洞地方趕殺宋國品
餘匪四十餘名擒獲活賊九名並採得火石溪
板廠溝有賊八十餘名卽乘勝追剿立斃五十
餘名活擒二十八名並無一名漏網又據知府

方積等稟報有白號張長青餘匪被剿狂奔經
辦理葉家碇一帶團勇之委員從九品徐錦督
率寨首劉松劉珍等堵剿鎗斃九名並將大旗
手一名擊斃生擒賊目林永康賊始敗走訊據
林永康供稱今日所殺大旗手係副元帥張永
庭向在營裏管事調度等語臣復加訊驗卽將
該犯嚮割處死查白號張逆餘匪已屬無幾茲

又將此管事賊首賊目殲除羽翼盡去定可卽
日根株盡絕當經批飭該府等將案首劉松劉
珍等按照前定章程分賞銀牌銀兩以示鼓勵
奏入

上命軍機大臣傳諭德楞泰曰前德楞泰具奏以川
省現在賊匪無多擬卽飭令僱備船隻由巫山順
流赴歸巴一帶自東而西兜截賊匪乃本日奏報

忽又稱屯聚歸州一帶賊匪知川省官兵欲由水路東下已北走興山其折回界嶺以東之賊匪二千餘人尙屯於巴東之大花巖等處伊卽由巫山改由陸路翻界嶺向東北而進德楞泰輾轉游移胸無定見大屬非是又增朕之焦急矣試思巫山距賊蹤尙遠何以甫擬由水路出師賊匪卽能得信輒行北竄若果如此則軍營消息竟任賊匪隨

時探聽成何紀律況德楞泰旣擬由水路行走地方官業已辦理糧運雇備船隻今又忽改道陸行一切均須另行備辦朝令暮改何所適從設賊匪此時知德楞泰欲由界嶺陸路仍復折回江岸德楞泰豈又覓船隻沿江而下耶至摺內稱川匪漸次肅清移師探剿楚匪之語明係意分疆界尤屬非是歸巴巫山一帶川楚邊界犬牙相錯在在毗

連賊匪朝川暮楚有何定處德楞泰身爲叅贊川
匪辦竣後前往楚省協剿原屬分內之事前次降
旨令川楚陝帶兵大員分界剿捕用專責成原以
伊等各省本處有應剿之賊不能兼顧並非畫定
地界若本處之賊業已剿竣豈有安坐營中擁兵
不出之理卽如額勒登保本日奏到摺內稱苟逆
殲淨後卽當前赴竹山竹谿一帶察探賊情協剿

如此籌顧全局方爲公正得體若如德楞泰之顯
分川楚心存畛域能無自愧乎德楞泰現在旣改
由陸路向東北前進務將折回北竄及屯聚巴東
之賊趕緊截擊就地殲除毋再任賊東竄俟此股
賊匪辦竣後卽帶兵赴楚幫同吳熊光長齡等將
樊人傑及王曾崔胡等逆悉數殲擒廓清楚境捷
報到時德楞泰仍可仰邀懋賞倘心存推諉一味

因循恐前功盡棄矣

同日陸有仁奏言連日復據探報苟逆大股賊匪由月亮坪老林竄至排環溝一帶經扎克塔爾等帶兵追及賊尾稍有斬獲賊匪大隊由盤屋泥峪竄入太白山扎克塔爾等緊躡追截楊遇春帶領兵勇由方柴關桃川一帶迎剿經吳額勒登保卽自石塔寺碾子嶺探蹤馳進並合

慶溥帶兵於古子灘一帶駐劄以期四面扼截
又劉逆小股之賊竄至鄆縣地界督臣惠齡挑
派兵勇協同總兵楊芳分頭搜剿該逆分出零
匪三十餘人竄至盩厔景峪一帶業經楊芳搜
剿殆盡又慶成剿剩零星賊匪潛伏畧陽寧汧
一帶老林臣飛飭地方官鼓勵寨勇協同慶成
所派兵勇到處搜捕茲據寧羌州知州馮裕定

稟報督率查寨委員沈詩成鼓勵寨勇兵役擒

獲賊目丁佳蘭

臣

已飛飭解至漢中另行審辦

具奏餘匪更屬無多自可卽日淨盡又前竄竹

谿簡家店賊匪逼近平利邊界經總兵穆克登

布等帶兵堵截該匪不敢窺伺現已折回竹山

關東一帶至前據守卡都司德忠稟報川匪兩

股一股千餘人竄至香爐山一股三四百人竄

至梳子巖經德忠派令守備黃林將梳子巖之
賊堵剿出境查梳子巖一帶賊匪卽係由寧羌
老龍池竄入之賊係周良玉丁佳蘭二逆爲首
前經慶成剿捕已將周良玉生擒今寧羌寨勇
復將丁佳蘭拏獲此外逃匪無幾亦無積年著
名首逆在內其香爐山賊匪一股早經折竄入
川當日竄至香爐山係兩股併作一股因旋卽

三才圖會卷三
折回未經探明賊首何人現聞已至南江地方
有道員劉清等追剿合併陳明奏入

上命軍機大臣傳諭陸有仁曰此時陝省止有苟逆
一股賊匪經官兵分路追剿現據額勒登保奏賊
匪已將出山諒可卽日殄除其餘零匪無多一切
糧運自較前易於供辦昨又於兩浙撥銀四十萬
兩解陝備用陸有仁務須妥協經理督飭各糧員

源源供運毋令缺誤爲要再昨慶成奏張魏股匪
由川省通南一帶竄近陝省邊境慶成聞報卽馳
赴川陝邊界堵剿等語現在慶成會否將此股賊
匪截回並各路軍營日內打仗情形俱隨時探明
據實奏聞